

QVÆSTIO MEDICA

QVOD LIBETARIIS DISPUTATIONIBVS MANE DISCVTIENDA

IN SCHOLIS MEDICORVM DIE IOVIS XXVI. IANVARII.

M. PAULO MATTOT, Doctore Medico, Præsidente.

An in curandâ Syphilide Balneum Pyrelismo præmittendum?

IMPVRI concubitus nequissima proles Syphilis; hanc astringorū influxui, inquinatæ aëris inspirationi, aut improbi alimentis vitis acceptam referre credentis est, non scientis: nec simplicis etiam nudæque qualitatē fortū-
ra; à terro vapore venenatæque materiæ sobolescit. Illius fomes impurus furim obrepens, contagione serpens, mentitā mansuetudine per plures annos sæpe tacitus venis alitur, donec quas acquisivit eundo vires inexpectatis exeret symptomatis; interdum tanta subtilitatis est veneni perniciēs, ut reis partibus illis illico nutritium visus occupet, quod insicere non desinit, donec vigentis naturæ conatu execrandi mali labe in totum corporis habitum expellatur. Hinc Sycofes in capite, ulcera phagedænica & *χερσάρια*, mulieribus condylomata in pudendis, viris in ano; hinc livida rubentisque pustulæ circa frontem & tempora derepente profluunt, quæ antè deleri extingui nequeunt, quàm morbus penitus eradiceatur. Harum cum rubore livor, rotunditas, durities, siccitas, interdum ichores ipsi, argumenta virulentie, quæ semper ægrescit medendo, nisi medicamentis alterantibus humoris infringatur contumacia. Hanc tamen è solâ cure ne species, ulli corporis partium nescit parcere, quot membra tot supplicia, periostium ab osse divellit, tophos parit, & ossium substantiam segni suo fermento paulatim attollendo, gignit exostoses. Hinc jugibus vigiliis corpus conficitur, & perique male olente ozanâ, naribus exetis potum per nares regerunt. Mirum sanè tantam morborum iliadè à re-
nui pendere suscitabulo.

QVI novum Syphilidem dixere morbum, veterum sunt ignari. Ex quo nefanda Veneri litatur, nefanda veneris feruntur monumenta. Indis nondum detectis scorta lasciviè, suæque nondum nato Carolo octavo scortis merces, vermes & tinea. Quæ ergo Patria? Gallia? Bætica? Italia? fabula. Nulli gentium sit injuria Syphilis, apud omnes nascitur, alitur. Misceantur in utero bene se habentium semina, ibi computrescant, ab eorum corruptelâ Syphilis, aut Syphilidis prodromi; sic integrè sanus scortator à non inquinato scorto potest inquinari, nec ab unius impuritate semel orta in universum orbem irrepit. Interdum delicta majorum immerita luit progenies, & patrum in natos abit cum semine; à nutricibus in alumnos, ab alumnis in nutrices facilis commeat. Infelix quem turpis dumtaxat dehonestat Alopecia, & mæchum prodit sola calvities: infelicior quem fœdæ pustulæ & sordidum ulcus: infeliciissimus, cuius vita concessa dolori somnum nescit. Desultorios Rheumatismi dolores cave Syphilidis putes: illi velut ignari ubi detur sistere semper sine lege furentes suos ubique figunt aculeos: hi partibus solidis mordicus hærentes, quas semel invasere numquam deserunt, illos sedabis, si causâ morbi fugerit & venis: hos verò non nisi è toto corpore. Syphilidem qui parit humor, Hydrargyri ope ad os confluet, spūto purgabitur; quæ desiliens ore stillatio Pyrelismus dicitur.

IN curandâ Syphilide qui sola sudorifica in usum vocat, curationem aggreditur, non assequitur, in Hypocautis assos recoquit, exuccum facit hepar, & ex morbo contumaci contumaciorem. Qui Sarsaparilla, Turbith, Ligni sancti, Mechoaca, radices Ialap, & aliorum id genus decoctum præscribit, amphoram insituit, & currente rotâ urceus exit. Sit ergo Hydrargyrus sacra anchora, ad quam Syphilide vexati confugiant. Mover Hydrargyrus Pyrelismo monilibus, cingulis, emplastris, suffitu, & litu: suffitu celerius, tutius litu: quo tamen moveatur modo, cave ne temere camariina moveatur. Hydrargyrus multos sanitati restituit, non paucos è medio sustulit. Si humorum copia ad fauces adpellat, strangulatur æger, non curatur, Si ad cerebrum rapiatur, labitur in altum gravemque somnum, à quo vix excitari potest, & interdum sit rationis inops. Venenum est Hydrargyrus, Alexipharmacum Syphilidis Hydrargyrus, eum facit nocuum aut innocuum pericia aut impentia Medentis. Cùm in procinctu est Pyrelismus, qui eum acrius movet ægrum jugulat, non curat. Ab alvi segnitie, lotij supprellione, linguæ & genarum exulceratione, capitis gravitate, prostratâ appetentiâ, oris fetore, & jactatione corporis insolenti ducat indicationem, cui suffitris aut litris animus est repetendi. Non audax, non præceps, non etiam meticulosus sit in suffitibus & inunctionibus iterandis Medicus, audaces ut timidos repellit Apollo. Quibus crassi humores tenuari, tenaces incisi, & qui à lentâ concreione duri erant molles redditi fuerint, dexter erit Mercurius, alioquin infautus: adeo medicamentorum vim adjuvat adhibitis, aut impedit neglecta humorum præparatio.

FELICITER utetur Hydrargyro, & morborum præcavebit iliadè, qui rite præparatum corpus, & *ὑγιεινὸν* factum, sanguine imminutum, blandâ catharsi sæpius repurgatum; Pyrelismo committet; felicius qui humores crassos circum ossa collectos ipsique medullis in hærentes; & expituita gypsea lento mucore oriundos tophos Balneo diluet, non quidem frigido, sed ex aquis dulcibus repidis, quæ nullâ fuerint qualitate peregrinâ medicatæ. Balneo quidquid putre & fuliginosum intus delitescit, per insensibilem halitum digeretur: quidquid autem Phlyctænis, Pfydracis, Meliceridibus, Achoribus, Herpetibus, Serpiginibus, Exanthematis, & Pustulis conspurcat & squalide polluit, aquæ tepore misceat, fluorique reddetur aptum; Balneo temperabitur æstus viscerum, bilisque reprimetur fervor. Humores sic præparati Hydrargyro liquanti morem gerent facilius, perspirabile corpus efficietur, & Hydrargyrus, qui, priusquam corporis penetrare subeat, in tenues amar redigi partes, laxata cutis spiramina facilius permeabit, dissolvit tophos, dolorum acerbiter leniet, contumaciam domabit, fugabit pervigilium, pro labore quietem reponet, venenatam Syphilidis qualitatem retrundet, & humores tandem qui vel ipsius Apollinis luderent operam, ope Mercurij ad os feliciter movebuntur, spūto purgantur.

APAGE igitur torhujus ætatis nebulones & sycophantas, qui decoctis calidis ex multo ligni sancti cortice, sassafras, radice Sinarum, jam æstantia torrent viscera. Apage lippientes Tonsores, qui tabellis, opiatīs, pilulis dum curationem pollicentur, verba dant ægris, aut inferunt necem. Syphilidem quamplurimæ conitantur obstructions, & partium nutritioni dicatarum intemperies præservida, quæ ne magis incandescat, ante Pyrelismo & hociipso procedente, humedantibus & refrigerantibus postulat emendari. Vt ergo litus arat qui in curandâ Syphilide usum refuit Hydrargyri, sic qui humores crassiores & tenaciores mover Pyrelismo, Hydrargyro non utitur, abutitur; Dextro Mercurio humores movere cupis? redde morigeros Balnei prævio usu. Debent è toto corpore ad os confluxuri humores tenuari prius, incidi & fluori apti fieri, crassius alioquin fermentum ipsi ossium medullis tenacius in hærentes, morbos prioribus longè saviore reponet. Hinc fucatâ curatione qui se omni labe putant expeditos, innumeris cruciatibus vix ullâ in posterum arte sedandis torquentur immanibus, felices nimium si illud malorum agmen cum morte commutassent: Hinc etiam bilis cuius non fuit inhibitus proventus nec refrænata vis, unâ cum Mercurio cerebrum petit, & ad insaniam inexpugnabilem sæpius infestat: Hinc alij exetis intestinorum tunicis, dysenteria cruciantur: Hinc alij exiccatâ supra modum vesicâ, vesicæ non imperant. Multi denique in media curatione febre corripiuntur; & æstantium humorum impetu non fracto rapiuntur ad plures: Sæpè etiam intumescere gutture, linguam maculosam & turgidam exerunt alij, quorum præcordia incensa conflagrant, ob idque pereunt. A tot tantisque vindicabit incommodis viscera prævium Pyrelismo Balneum.

Ergo in curandâ Syphilide Balneum Pyrelismo præmittendum.

DOMINI DOCTORES DISPUTATVRI.

M. Petrus Legier.

M. Iacobus le Menestrel.

M. Ioannes Hamon.

M. Nicolaus Robin.

M. Carolus Briffet.

M. Simon Boulot.

M. Franciscus Sorand.

M. Nicolaus Bonvarlet.

M. Claudius Tardi.

Proponebat Lutetiæ CLAUDIVS GVERIN, Parisinus, A. R. S. H. M. DC. LXVIII.